

賴久太
郎著

日本政記

四

和書
一〇三九二號

和書門
一〇三九二號
函
一〇
架
九
冊
八

庫文閣内

内閣文庫	
番號	和 10392
冊數	8 (4)
函號	139 170



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



糊などで貼り付けられている部分がめくれない箇所あり

南政

日本政記卷之七

賴襄子成 著

光孝天皇諱時康。仁明第三子。母女御藤原氏。贈太政大臣。總繼女。在位五年。改元。葬葛野郡田邑陵。

春二月。天皇卽位于大極殿。尊先帝曰太上天

皇。太政大臣基經。左大臣融。右大臣兼左大將

多。大納言兼右大將良世。並如故。基經請罷攝

政。使融多代任。不許。夏五月。敕諸博士議。太

政大臣有職掌否。在唐朝。相若何官。六月。特

日本政記卷之七 光孝天皇 賴襄子成 著

日本正言 卷之十一
東山新片
詔萬機依舊先稟太政大臣基經而後奏聞
仁和元年己春賜基經宴內殿爲度僧五十人
壽其五十又賜游獵地一處於攝津以藤原
佐世爲大學頭初佐世爲基經家司薦令與太
學生對策前文章博士都良香謂人曰藤氏何
求不得乃又如此欲使吾曹何處生活佐世遂
及第爲得業生累遷右少辨奏貸新錢三十貫
於左右京職以其息文學寮生徒菜資 又十
二月下信濃守橘良基刑部獄良基廉直務實

民治爲當時最其民有與怨家相閱者詣太政
官訴之官遣使鞠訊怨家良基命收訴者官符
譴責不服乃召之推斷未竟卒良基歷任五國
守罷還不載資糧其子常問治民術對曰百術
不如一清及卒家無餘儲中納言在原行平賜
絹布纔得葬

二年丙夏以肥後攝津豐後甲斐四國守經年
不赴任敕降位一階奪其告身以左中辨平
季長爲問山城民苦使季長長請停諸院諸宮

及諸王臣家或爭民戶田或奪浮浪財物不牒國郡司闢入邑里遍相壓略者又奏請民囑託勢家不由國宰爭訟財物者不限士浪不論蔭贖決杖一百所爭物悉沒官院宮各家司並科違敕罪奏可季長葛原親王孫也
三年秋八月帝不豫召太政大臣基經立第七子定省為皇太子尋崩初帝多子憚基經未敢立太子及是基經入卧內請存不諱傳位於誰帝曰唯公擇之對曰王侍從可謂定省也上

憐召定省右執其手左執基經手泣曰朕與汝得位皆大臣力慎勿忘既出率百官上表立之帝有志興舊典屢御外朝視事

宇多天皇 諱定省光孝第七子母班子女王仲野親王女在位十年女元

一曰寬平傳位皇太子後三年四年崩壽六十五火葬大內山

冬十一月天皇即位于大極殿太政大臣基經左大臣融右大臣兼左大將多大納言兼右大將良世並如故基經乞歸政不許敕萬機無巨細關白基經關白始此尊生母從二位女御為

日本政記 卷之二十三 宇多 貞氏藏板

皇太夫人

四年。戊春三月。詔以太政大臣基經准三宮。初帝即位。詔基經有官。以阿衡之任。為卿任。語在大辨橘廣相所草也。或謂阿衡位高。不預事。基經不懌曰。然則吾閑人耳。命放厩馬。奏曰。臣聞阿衡無職掌。崇高可知。以臣擬之。恐非所堪。然居無職之地。固臣素志也。帝驚優。詔論廣相草詔失朕本意。朕欲庶政仍舊。關白於公。垂拱仰成而已。基經乃奉詔。秋九月。殺圖殷周唐名

臣像於紫宸殿障子。納四大臣高藤女為雙衣。

冬十月。右大臣兼左大臣源多麁納基經女為女御。

寬平元年。配冬十一月。聽基經乘腰輿入朝。以大納言良世兼左大臣。中納言源能有兼右大臣。

能有文德皇子。是歲鑄寬平大寶錢。

二年。成。庚冬十二月。基經疾乞解職。優詔許之。

三年。辛。春正月。太政大臣基經薨。敕廢朝三日。

贈正一位。封越前公。諡昭宣。世稱堀河大臣。

日本後記 卷之二十一 後氏職跋

日本書紀卷之二十一
二月召讚岐守菅原道真為藏人頭。道真上狀辭不聽。三月以大納言良世為右大臣兼左大將如故。召大宰大貳藤原保則為左大辨。先是保則在朝不得意曰吾老矣宜預修冥資聞讚岐多紙請為讚岐守曰吾欲寫佛經耳州民多學法律健訟自保則來人重廉耻及除宰府鎮西多盜吏不能禁保則知其由飢寒賑給慰撫政尚清簡乃無盜民安之。帝聞而召之尋任參議兼民部卿。

四年壬子夏五月。敕藏人頭菅原道真撰類聚國史。

五年。癸春二月。罷左大將良世。以源能存代之。

中納言藤原時平兼右大將。時平基經子。夏

四月。立敦仁親王為皇太子。藤原高藤女所生。

以源能有為傳。是歲高藤女為女御。

六年。甲寅夏五月。唐使來。秋八月。以參議菅原

道真為遣唐大使。報之。聞唐亂不果行。遂罷使

不通。九月。新羅海賊入寇。筑前守文室善友

日本書紀卷之二十一
類聚國史

防戰大破之。斬其將領十四人。先是西邊數有
寇警。敕大宰府曰。勿以兵故令農失時。且防且
耕。至是府驛奏寇復至。尋捷報至。

賴襄曰。宇多之爲英主也。其攬循柄。振紀綱。
躬勤儉。舉賢能以宗廟生民爲心。所以接天
智桓武之業者。不必論也。獨觀其處分邊防。
足以知其他矣。宰府敷奏寇警。詔曰。勿以兵
故失農時。且防且耕。六哉言乎。可以爲百世
法也。大凡大平之世。四海無虞。文恬武熙。一

有風魚之警。上下相警。奔走警告。差將吏運
糧仗。國內爲之騷擾。而寇爲何者。來爲何由。
或未之知也。來於東則東奔。來於西則西奔。
來者之虛實未確。而奔者已罷極矣。以彼爲
虛。以廢我防。而實矣。其力不可支也。以彼爲
實。以盡我防。而虛矣。其費不可給也。如是數
次。國有不內壞者乎。嗚呼。亦盡不反其本思
之。沿海之鎮。何爲而置哉。其將吏守何職。兵
卒服何業。我預於平日。命爲之處置。無非備

此本政譜

賴氏新編

寇寇至有戰而已何必擾擾來告我我亦何必擾擾往援之帝之意蓋亦如此而已但將卒備矣未有不食而能戰者也故曰勿廢農時且耕且戰夫使戰而無耕何資以戰耕而無戰亦何損於國哉故寇有虛有實而國無損有益故曰帝之言可以為百世法也帝不徒言之也當時寇出於實而筑前守防戰大捷其効驗如此雖然當時所以能為此言成此効者又有其本焉本者何也曰收權柄

振紀綱躬勤儉舉賢能以宗庶生民為心

日本政記

卷之七

七

賴氏新編

日本書紀卷之七
八
藤原良世

七年卯春二月定置左右檢非使廳敕中納言
兼民部卿菅原道真錄囚徒帝患多帶獄故有
此令每日聽斷無少遲緩道真多所平反
三月敕申禁王臣家出舉私物貸民求利犯者沒
物料罪 秋八月左大臣源融薨融嵯峨皇子
嘗造別業于宇治嵯峨及東六條河原窮極詭
麗稱河原左大臣
八年丙秋八月以藤原良世為左大臣源能有
為右大臣兼皇太子傅如故 九月廢二條太

日本書紀 卷之七 八 藤原良世

后藤原氏流僧善祐於伊豆以有醜聲也。冬十月太宰府奏慶雲見公卿表賀以爲政和德至之應。詔曰朕卽位九載水旱癘疫兵興盜起政和德至之言可以偷置齒牙乎君臣一體也朕耻卿等亦可耻勿爲虛賀又敕服御常膳旣減省准舊四分之一庶舉塵露之積以成禮節之和豈圖水旱相仍諸國闕調百官之俸不怨天不責人朕自取之今重減三分之一省年料雜物之半其餘用度中分以折旣無謀於富國唯合

體於貧民而已告中外知朕意焉。十三月左大臣良世致仕。

九年丁夏六月右大臣能有薨以藤原時平爲大納言兼左大將菅原道真爲權大納言兼右大將中納言源光爲權大納言定爲三員是歲尊皇太夫人爲皇太后。秋七月皇太子加元服時年十三帝好佛乘遂禪位自著書歷舉古今國家得失臣士賢否誠新主其略曰明賞罰勿用愛憎慎喜怒勿形諸色勿聽婦言勿近

小人詢治於有識。求道於六經。左大將藤原朝臣。功臣之後。雖少諳政事。初頗聞內行。不謹。屢加激厲。可資輔導。右大將菅原道真。當今鴻儒。深通政理。直言不忌。朕立儲貳。獨與之議定。且將讓位。未果。朝臣曰。事留變生。遂使朕意如金石。則不唯朕之忠臣。乃新君之功臣。其敬重之。季長達典故。長谷雄涉經典。並宜進用。上尊號曰後太上天皇。以別於陽成上皇。徙東三條院。尋遷朱雀院。

醍醐天皇

諱敦仁。字多長子。母贈皇太后藤原氏。內大臣高藤女。在位三十四年。改元三。曰昌泰。延喜。延長。傳位皇太子。崩。壽四十六。葬宇治郡山階陵。

天皇即位于大極殿。大納言兼左大將時平。權大納言兼右大將道真。以先帝命。輔帝參決機務。

昌泰元年。戊冬十一月朔。日南至。群臣表賀。大赦。帝讀群書治要。紀長谷雄侍讀。

二年。紀春二月。以時平為左大臣。道真為右大臣。兼左右大將。並如故。道真自以家本儒林。而

日本後紀 卷之二十一 醍醐 一 負

居台司。衆望不厭。三上表固辭。不聽。時年五十。五時平二十八。冬十月。後太上天皇削髮。法名空理。稱法皇。

三年。庚申春正月。帝親法皇於朱雀院。相議。左右大臣並執朝政。無所統一。乃召道真。密諭使關白庶政。如藤原基經故事。道真固辭不受。且奏召臣無事。人必恠之。因命題賦詩以獻。賜御衣而罷。以大納言藤原高藤爲內大臣。無何。薨。高藤冬嗣孫良門子。冬十月。文章博士三善

清行上革命議。以爲明年辛酉當帝王革命。君臣剋賊之運。且深用意。清行上書右大臣道真。勸其退避。道真不從。

延喜元年。醉春正月朔。日有食之。貶右大臣菅原道真爲太宰權帥。以大納言源光爲右大臣。中納言藤原定國兼右大將。定國高藤子。初。道真已受殊遇。以格君致治爲己任。知無不言。綜理政務。裁決如流。天下想聞風采。左大臣時平年少氣銳。固執不相下。道真不欲每事立異。常

竊嘆之時平及開關白容旨益不懌光爲帝舅
與定國皆以門地高愧位道真下式部少輔藤
原菅根道真所薦菅忤意被怒卿之時平因與
三人相結譖道真於帝詎其欲廢帝立齊世親
王親王道真女塔也帝震怒下敕貶謫道真憂
悶無以自白作和歌哀訴法皇法皇驚欲見帝
申救菅根戒門者不通道真男女廿三人流徙
各異處天下寃之時平又欲禁錮放逐諸及菅
門者三善清行諫而止之

菅原相公之貶世專咎藤原時平稱讒臣必
以爲稱首賴襄以爲不然曰自外戚專政類
此者多矣不獨時平也前焉如良房之斥安
倍安仁基經之不用藤原保則後焉如師尹
之除源高明兼通之忌中書王皆是也其意
曰台司獨我家爲彼何爲者如源常與信光
以其易制故得伴食耳其與已相軋者輒搏
擊而去之豈獨時平哉貶菅公非必時平所
致也然則誰所致曰宇多致之也宇多非患

相門之如彼。故擢公使與之衡。亦丁寧醜酬。專聽於公者也哉。曰。是所以禍公也。夫如彼者。非一日也。中外慣習。以爲當然。擢之寒族。使與之衡。而能衡焉。無敢異議。何哉。鑒識之者在焉爾。故宇多在位。則儼然右大臣。人望而畏之。一去位。則文章博士。妄據政府也。雖無時平。不可久安者。勢也。且夫家宰之寵於父者。其子必憎之。憎其倚父寵以制我也。以爲我自有所用。何必是。且已所用。與已年齒

相若。志趣相投。而父所用。皆否民庶之家。且然。况人主有天下者乎。人主之所樂者。此位也。故其所忌。莫甚於兄弟之逼。於已中其所忌。以使恣其所樂。宜乎其言易入也。况出於已所用。常所愛信者之口乎。故延喜之貶。管公不必待時平之數言也。其情素然也。情與勢者。天下之所不能違也。而宇多欲以一紙遺誠。禁之其不可也。必矣。故致管公之貶者。非宇多而誰乎。而公亦可謂不自慮者矣。吾

嘗審遺誠所言立儲禪位之議。管公實贊決之。曰。事留變生。蓋是時基經之女未有所生。生則不可不立也。公豈慮於此耶。然已定儲矣。雖不禪位可也。其意蓋謂雖禪位猶當傍觀扶植之。不知權已不在我。我言寧可行耶。字多崩於承和元年。去禪位三十四。專修佛法。噫。以此三十四年間讀經研法之勤。移之於政。政當更何如哉。而公亦終其輔翊之功。何貶謫憂死之有哉。襄故曰。管公之貶。字多致之也。而公亦有以自取之。

日本正言
卷之七
東長新居

秋八月左大臣時平大外記大藏善行上三代
實錄實錄道真所定居多以其貶不得列名善
行年七十時平會一時名士開宴稱壽執弟子
禮時人榮之。

三年癸亥春二月前右大臣兼右大將太宰權帥
菅原道真薨道真博學敏文詞為宇多帝所識
拔終大用及在配所閉門不出以文墨自遣至
是薨年五十九。

四年甲辰二月立皇子崇象親王為皇太子後

日本正言
卷之七
東長新居

改名保明。母藤原氏。右大臣源光爲傳。三月。法
皇造室。仁和寺稱御室。

五年。丑大內記紀友則。御書所預紀貫之等。撰
古今和歌集。成。上之。初平城朝。有萬葉集。及嗟
峨好唐詩。和歌幾廢。帝有志興廢。敕撰之。

六年。丙夏五月。帝受史記於式部大輔藤原
根。秋七月。右大將定國薨。八月。以右大臣
源光兼右大將。

八年。戊冬。先是。敕時平及大藏善行撰延喜格。

至是成。上敕頒行之。

九年。己夏四月。左大臣藤原時平薨。時平多權
數。帝患朝臣奢華。禁之不止。時平密奏。故自着
美服入朝。帝佯怒。召職事曰。左大臣當躬儉約。
以率百僚。乃首犯朕禁。時平爲惶懼者。屏隨身
步歸第。閉門謝客。月餘。時人相戒從儉。源光
轉左大將。中納言平惟範兼右大將。惟範葛原
親王孫。李長躬。秋九月。惟範薨。以權中納言
藤原忠平兼右大將。忠平時平之弟。雅善菅原

日本政記 卷之七
道直及其謫數間遺之。不以兄故變。時人多之。
十二年。壬夏疫。京師火。是歲中納言紀長谷
雄覺長谷雄文才敏贍。詔敕多出其手。嘗與三
善清行論文不合。清行罵曰。自古無有無才博
士。有之始於汝。長谷雄不與校。其慎如此。時諸
學士多以議論相凌。任誕矜傲者。菅原道真。菅
寄詩長谷雄。勸以敦厚化俗。及道真及島田忠
臣等相尋逝。長谷雄歎曰。延喜以後無復知我
者。

十三年。癸春三月。右大臣源光薨。光有膽識。不
惑妖妄說。然以陷菅原道真為時議所貶。夏
四月。以藤原忠平兼左大將。中納言藤原道明
兼右大將。

十四年。甲春二月。帝方勵精求治。以連年水旱
不登。詔求直言。式部大輔兼大學頭三善清行
上意見封事。其略曰。國朝天險土沃。民庶臣服。
三韓所以能然者。國俗敦彪。民風忠孝。輕賦歛。
踈徵發。上垂仁牧。下盡誠戴。上。一國之政。猶

一身之治。自後化漸薄。法滋彰。歛增役倍。戶口月減。田畝日荒。既而佛法初傳。上下競傾產造寺。捨田施下。極於天平國分二寺。各用其國正稅。而天下之費。十之五。桓武營宮城。盡賦庸調。又費五之三。仁明好奢。後房之飾。竭帑倍賦。又費二之一。貞觀中。宮殿燬災復修。又費一之半矣。則當今曾非古之十一也。臣嘗爲備中介。試閱其一鄉。皇極晚年有二萬兵士。神護中有二千丁者。貞觀初。七十餘人。及臣時。得九人。今聞

其無一人。二百五十年來。衰弊如此。以此推之。天下虛耗可知。陛下照萬古興衰。宵衣旰食。降惠民庶。興復寧無可期。謹陳便宜十二事。其一。請肅祭祀。祈豐穰。不徒備故事而已。其二。請禁奢侈。貞元間。親王公卿。以筑紫絹爲夏衫。今史生以白縑爲之。婦女婢妾。非純綾不服。富者誇逞志。貧者耻不及。一衣破產。一饌盡資。田疇爲蕪。盜賊爲滋。望隨階定制。至於葬喪亦然。亂其僭忒。自上率下。源澄而流清矣。其三。請修口分

田。此制爲収租庸調。而今已奸田闕貢。牧宰懷無用之籍。豪富収并兼之利。須令閱實班給。其遺田収爲公田。任國司沽。或納地子。以充無身之調租。猶有遺稻。納之不動。今略計其數。三倍調庸。爲公有利。爲民無損。其四。請復大學學田。治國在賢。得賢在學。今至以大學爲坎墮之府。凍餒之鄉。望復學田。又嚴敕博士。公貢舉法。專論材藝。不得受請託。其五。請減五節。選妓員。無襲前朝好內之例。其六。請增置判事。舊制判事

六。以今獨大判事。用明法者。以萬民死生繫一人。唇吻括五刑。輕重決獨見。讞書乖閱實之理。望依舊。皆擇明法律者。使俱議科比。詳定條章。復六員。其七。請均給百官四季祿。比年官庫乏物。唯公卿及出納諸司充給。其餘五六年難給一季料。雖閑忙殊務。至於頒賜。宜無差別。其八。請停諸國吏民越訴。以牧宰之重。與小吏賤民比肩受鞠。雖事得白。威權已廢。知耻之士。誰冀爲吏。望盡拘以文法。除反逆外。不發朝使。其九

請定勘籍人數。三宮以下諸王大夫命婦資人諸司衛府式兵二省籍人一歲稍及三千人國朝課丁課與羽太宰九國外不滿三十萬而大半無有身則見丁十餘萬人而已其中歲除三千人未盈四十年天下皆為不課之民望年立定額大國十人以次差之以載蠲符其十請選任檢非違使舒使檢非違使本掌紕境內奸濫今其氏納贈勞料者為之望監試明法學生充任令與羽鎮西及沿海諸國弩師皆充年給許

令賣唯論價直不問才伎望令六衛練習隨功勞任之其十一請禁僧徒濫惡及宿衛強暴鬻官符禁權貴規銅山澤侵奪田地吏易施治民居得安猶遺是等今諸寺僧得度年二三百人大半邪濫及逃課逋租者天下之民禿首者居三之一皆畜妻啖腥甚者為盜竊鑄錢望痛禁懲之奪度牒返本役六衛舍人須結番警備而散落諸國此皆部內強豪遺國糾勤奔入洛納貨籍宿衛者望既充補不得歸住寧歸者

限暇日。取府牒送國衙。過限者解職。送狀本府。其十二。請修魚住泊。西南三道舟程。自檉生至河屍。五泊。各一日行。今此泊廢。自韓泊。直指輪田。蕩覆年。百艘。望差官司修造。以播備稅。給其費。其餘嚮旣所獻言。不更重陳。帝嘉納焉。是歲禁奢靡服。

賴襄曰。三善清行以實用之才。爲實用之學。雖管原相公。恐有所不及。其封事者所言。雖有不敢盡者。而切中時弊。可用當世。與彼爲無用之文詞者。大異。然其爲書。每慮五千餘言。吾恐讀者徒誦不得其要領也。私芟繁除複。約爲千餘言。而又究其意所歸宿。論之曰。清行之意。不過張紀綱修版籍。以復物力而已矣。夫物力者。國之所以存也。而其所以盛衰息耗者。在於紀綱版籍二者。故祖宗定制。必於此致意焉。使後世子孫。賴以守其國。無此不可一日守也。然守之久。二者歲弛月廢。名存實亡。其終於守空器。而天下之實移。

焉是和漢之所同。而國朝爲著焉。清行生於其漸弛廢之時。欲有以救濟之。當時君相非不嘉納之也。而不能盡用。及至其後。弛者倍弛。廢者滋廢。獨後三條有志於興復之。而短祚不能有成。委靡壞墮。以至保元而窮矣。由二者之不修不張也。豈非百世之永鑑哉。本朝富庶過絕外國。誠如清行所言。而當時丁口耗減如此。其後未知又如何也。而至輓近則息矣。然當時有可班之田。而近世則否。是

古今所異耳。至彼不可不修而張之者。則一也。故清行之言。不特可用當時也。天下之事。固有衆人不憂。而有識之士獨憂之者。上共其憂。則其憂可止。上不共其憂。而使之獨憂焉。憂將日深耳。烏見其止也。清行此時已七十矣。而位不過四位。官不過儒門常格。既而纔得參議。未幾而沒。嗚呼。此人也。而不知用。則所謂延喜之政。亦非空名無實者耶。向使寬平不早去位。與菅公並用焉。以盡其才。則

可以收興復之實効矣。吾不獨爲此人情爲王家惜也。自古有人才之用舍。關國家之運者。豈獨清行哉。

夫以清行而求其用。則其用必大。而天下之人才。亦必從而興。此所謂一舉而兩得者也。然則清行之於國家。豈獨清行哉。夫以清行而求其用。則其用必大。而天下之人才。亦必從而興。此所謂一舉而兩得者也。然則清行之於國家。豈獨清行哉。

夏五月。東京火延燒六百餘家。救賑給遭火者。

秋八月。以大納言忠平爲右大臣兼左大將

如故。

十五年。冬。大赦天下。免延喜十年以前七道

調庸減今年徭半。

十六年。丙夏。四品貞純親王薨。親王清和第六

子也。從妻父源能有學武事。子孫賜姓源朝臣。

世爲將帥者本於此。

十七年。丑旱。自九月不雨。至十二月。京城井涸。

日本後紀 卷之七 貞和六年

敕許民汲冷泉院及神泉苑池水。數日皆竭。
十八年。戊寅冬十二月。從四位下參議三善清行
卒。年七十二。

延長元年。癸卯春三月。皇太子保明薨。追復故右
大臣菅原道真官爵。贈正二位。謫道真以來。歲
比不稔。京師屢災。又多旱疫。太子暴薨。世以爲
道真崇。故有此命。夏四月。立女御藤原氏爲
中宮。皇孫慶賴王爲皇太子。中宮故攝政基經
女。故太子母王太子子也。

二年。甲辰春正月。以右大臣忠平爲左大臣。大納
言兼右大將藤原定方爲右大臣。

三年。乙酉夏。皇太子慶賴薨。冬。立皇子寬明爲
皇太子。故太子保明同母弟。以左大臣忠平爲
傅。其舅也。

四年。丙戌定諸國上損戶法。

五年。丁亥冬。延喜式成。

六年。戊子夏。使少內記小野道風書歷代賢君名
臣言行於清涼殿南廂粉壁。道風。篁孫葛絃子

也。
七年。巳秋七月。大風雨。鴨川決。敕發正稅。賑山城被水者。甚者免今年調庸。
八年。庚春。敕左右京移養飢疫貧民於施藥悲田兩院。夏四月。渤海國使裴璆等來。先是契丹主阿保機攻滅渤海。改號東丹。命其子突欲鎮之。璆等降附。至是自稱東丹國使。敕曰。東丹失禮義。使者無人臣之節。謬奉臣下使以入上國。宜詰責以懲將來。因卻還之。前此渤海數通使。此後遂絕。六月。雷震清涼殿。大納言藤原清貫。右中辨平希世等震死。帝不豫。秋九月。帝病篤。禪位皇太子。詔左大臣忠平輔之。上尊號太上天皇。是月崩。遺詔薄葬。不奉謚。帝致心政治。每群臣奏對。必和辭色。曰。人主形威嚴。何以得臣下盡言哉。又嘗方寒夜。親脫御衣。以體凍餒之苦。世以此仁德帝。後世言治必稱延喜云。冬十月。葬醍醐天皇。

使。此後遂絕。六月。雷震清涼殿。大納言藤原清貫。右中辨平希世等震死。帝不豫。秋九月。帝病篤。禪位皇太子。詔左大臣忠平輔之。上尊號太上天皇。是月崩。遺詔薄葬。不奉謚。帝致心政治。每群臣奏對。必和辭色。曰。人主形威嚴。何以得臣下盡言哉。又嘗方寒夜。親脫御衣。以體凍餒之苦。世以此仁德帝。後世言治必稱延喜云。冬十月。葬醍醐天皇。

朱雀天皇 諱寬明。醍醐第十一子。母中宮藤原氏攝政基經第四女。在位

日本後紀 卷之七 朱雀 二五 賴氏藏版

日本書紀卷之七

十七年。改元二。曰承平。天慶後六年。崩。壽三十。火葬。藏骨於後山階陵側。

冬十月。天皇即位于大極殿。左大臣忠平攝政。十二月。右大將定方轉左大將。大納言藤原仲平兼右大將。仲平。忠平兄也。帝生於舅忠平第。至是甫八歲。生薄弱。常在深室。少見天日。世以爲菅氏祟。

承平元年。辛卯春。以京師多盜。命衛府檢非違使。每夜巡捕。秋七月。法皇崩。多字年六十五。法皇深於佛理。所謂廣澤小野。瓜。皆推法皇爲宗。

祖。屢微行。尋畿甸名山。遺詔以席裹棺。約以葛火。莫勿起山陵。奉謚號。天皇無謚。始于此。八月。葬宇多天皇。

二年。壬辰秋八月。右大臣定方薨。仲平轉左大將。尋爲右大臣。大納言藤原保忠兼右大將。保忠時。平長子也。

三年。癸巳冬。南海道賊起。遣警固使諸國。奉幣諸社。後又修大元法於豐樂院。及治部省。以祈賊平。

日本書紀卷之七 三十一 貞代載及

日本政記 卷之七
三十一 賴氏藏版

六年。丙申夏六月。以從四位下紀淑人為伊豫守。追捕海賊。淑人務招流亡。賑困窮。威惠並行。降渠帥三十餘人。衆二千五百。分給廢田及衣食。悉就農耕。海氛盡清。淑人長谷雄子也。秋七月。右大將保忠薨。八月。以大納言藤原恒佐兼右大將。左大臣忠平為太政大臣。聽牛車出入關門。
七年。丁酉春正月。帝加元服。受朝賀。仲平為左大臣。左大將如故。右大將恒佐為右大臣。

天慶八年。戊戌夏。恒佐薨。以中納言藤原實賴兼右大將。是歲。地震數震。冬。大雪深丈。
二年。己亥秋八月。盜射殺尾張守共理。冬十一月。下總賊起。攻常陸介藤原維畿。下野守藤原弘雅。上野介藤原尚範。皆敗之。初。上總介高望。葛原親王孫也。賜姓平。子良將為鎮守府將軍。良將子曰將門。勇悍善射。少仕攝政忠平。求為檢非違使。忠平不省。將門走赴下總。聚徒為盜。攻伯父常陸大掾國香。殺之。與叔父下總介良

日本政記 卷之七 三十一 賴氏藏版

兼數攻鬪。朝廷將討之。將門先馳詣關。疏辨得釋。及良兼卒。乃據下總。襲執維畿。武藏權守興世王為謀主。圖遂割居關東。攻降弘雅。逐尚範。自僭號平新皇。開府猿島。偽置百官。諸國凶賴徒爭殺官吏應之。初將門與藤原純友者親密。嘗謂之曰。吾王族當為天子。藤氏當為關白。於是純友為伊豫掾。任滿不還。據海島。遙應將門。攻殺備前介藤原于高。京師戒嚴。閉三關。三年。庚春正月。敕進天下各神位一階。下官符。

東海東山二道。募勇敢士。能殺賊帥者。賜朱紫田地。世襲。次將以下。隨功賞之。二月。以參議藤原忠文為征東大將軍。賜節刀。討下總賊。以小野好古為山陽道追捕使。討伊豫賊。三月。常陸掾平貞盛與下野押領使藤原秀鄉等。擊下總賊。平之。五月。征東大將軍忠文等。途還。叙貞盛秀鄉並從四位下。賜功田。貞盛國香子。有武幹。欲報父仇。攻將門不克。來訴朝廷。朝廷授此官。乃與秀鄉。兵四千。襲殺將門。忠文素



恪勤。及受命。不歸家。直發至駿河。聞事平。乃還。朝議欲與褒格。實賴以其無功不可。藤原師輔曰。是不為無勞。何可獨遺。實賴固執不可。秋八月。讚岐介藤原國風討伊豫賊大破之。賊走太宰府。

四年。辛春。追捕使小野好古追擊悉平之。先是國風招降賊將藤原恒利。以為鄉導。衝賊巢窟。純友敗走。太宰府燒周防鑄錢司。又侵土佐。好古與太宰少貳源經基。主典大藏春實等。水陸合攻。戰於博多津。春實為先鋒。戰尤力。賊敗入海。好古急追。殺溺略盡。純友亡。還伊豫。警固使橘遠保逆擊斬之。

國朝定制以來。稱動兵革者。止於邊寇。未有臣子內叛者。有之始於大慶。論者歸罪於朱雀之君相。賴襲曰。是徒見其末。未探其本也。天慶之亂。釀於延喜之朝。何以言之。曰。天下之亂。猶魚之爛也。魚之爛也。其腸先敗。視其鱗鬣。猶仍鮮美也。以為鮮美而皮置之。翌日



日本政言 卷之七
而出之。潰餒臭腐。不可食矣。觀延喜之朝廷。其禮文制度。豈不備且美哉。時稱太平。數舉宴樂。召集文士。歌頌鬱起。而水旱疾疫。民不聊生。盜賊充斥。閭里雖有經理之政。徒行於近。不周於遠也。世徒稱其寒夜脫御衣之一事。是所謂有仁心仁聞。而澤不及民者也。且自貶菅原相公。而藤原氏之勢倍盛。其立國儲舍長子克明。而立保明。以其爲基經外孫。時平外姪焉爾。猶之可也。及保明天。更立其

子。其子亦殤。而立其同母弟。帝多皇子。當是時。言其長則有代明。言其賢則有重明。有兼明。皆舍不立。而必立相家所出。何也。非憚之哉。是所謂仁而不武。無能達也。時平旣沒。又以其弟忠平執政。託以八歲天子。以臨制。如彼之天下。如之何其不亂也。余嘗於外史。詳叙此亂。而論之曰。是由相家驕傲。壅隔上下之所致。蓋君相所務。不過目前之私。天下之紀綱廢壞也。人才壅滯也。姦雄窺伺也。皆漫

日本政言 卷之七
不省恤。及其潰決。所謂雖有善者。無如之何者。何況朱雀之公卿乎。徒呼號神明。以求救濟。不足恠也。朱雀之時。右大將保忠。每冬月入朝。炙餅懷之。以自煖。稍冷。賜之從者。世稱其慈惠。呼為賢人。大將右大臣實賴。聚群兒。啖菓。隔牆聽其語。以知世情。世稱其用心於政。當時大臣之所為。徒如此類而已。微祖宗德澤。此焉能濟禍亂。而何足責哉。

冬。太政大臣忠平。改攝政。為關白。如基經故事。帝自寫法華經。追修兵死者福。後亦詔諸寺造一萬。率都婆。是歲。納忠平孫女為女御。大納言實賴女也。

六年。癸卯。夏。旱。疫。

七年。甲辰。夏。以大納言藤原實賴為右大臣。立皇弟成明親王為皇太弟。以帝無子也。是歲。秋。大風雨。

八年。乙丑。秋。大風雨。左大臣兼左大將仲平薨。嘗

有星變占咎在大將右大將實賴禳之仲平不
 禳曰實賴年少才高吾已老老死亦何損於國
 性好殖貨倉庫多於宅地稱枇杷大臣 十一
 月實賴轉左大將大納言師輔兼右大將
 九年丙午帝禪位皇太弟遷朱雀院帝性柔仁關
 白忠平嘗奏外議以為時政過寬帝曰朕聞之
 先帝君家先關白有言政如張琴大絃急則小
 絃絕朕若嚴急下民何堪

村上天皇 諱成明朱雀同母弟在位二十年改元四曰天曆天德應和

康保崩壽四十二葬於葛野郡村上山陵

夏四月天皇即位于大極殿尊先帝為太上天
 皇太政大臣忠平右大臣兼左大將實賴大納
 言兼右大將師輔並如故帝年二十一忠平關
 白庶政實賴師輔其二子也

天曆元年丁未夏實賴為左大臣師輔為右大臣
 是歲祀前右大臣道真于右近馬場參議兼民
 部卿藤原忠文卒忠文嘗為近衛司每宿直擊
 寮馬於側聞其嚙芻聲警眠帝欲聽其昇殿固

日本正言 卷之七 三十一 東山 實賴

辭而止。

二年。戊申夏旱秋大風雨。

三年。己酉春關白忠平以疾請致仕優詔不許。敕賜度三十人。敕十六寺禱之。大赦。秋薨。敕廢朝三日。贈正一位。封信濃公。謚貞信。忠平與兄時平仲平並執大政。世稱三平。前太上天皇崩。

冬十月。葬陽成天皇。

四年。庚戌秋七月。立憲平親王為皇太子。母藤原氏左大臣實賴為傅。先是大納言藤原元方女。

為更衣。生皇子廣平。元方喜謂必為國儲而右大臣師輔女為女御。生憲平。生三月。立為太子。

元方失望。遂以憂卒。後冷泉華山三條三帝皆短祚。世謂元方為祟也。

六年。壬子秋八月。太上天皇崩。遺詔薄葬。勿置陵。

稱朱雀院。天皇稱院始此。葬朱雀天皇。

八年。甲寅春。太皇太后藤原氏崩。秋九月。式部卿重明親王薨。親王醍醐子。好學。醍醐崩。臣子喪服皆期而除。獨重明行三年喪。所著有吏部

...

...

...

...

...

...

...

...

...

正記

右少辨菅原文時上封事請停賣官曰方今授任非不正而有以財官人助國用者功勞之臣自退聚斂之徒爭進昔漢明帝不許公主為子求郎而賜錢十萬以官非其人則害及百姓也降及桓靈乃初賣官漢業以衰是可鑑也及魏禁奢侈懷遠人帝皆嘉納
九年卯罷師輔右大將以大納言藤原顯忠代之

十年甲秋旱詔減服御常膳禁左右馬寮秣穀量停諸作役省冤獄令諸國灌溉先貧後富賑恤窮民除畿內七道天曆五年以往調庸未進者免東海東山山陽三道驛戶田租限三年先是祥臣奏請減俸祿不許至此敕減十分之一
天德元年丁春罷實賴左大將夏以顯忠代之
中納言師尹兼右大將顯忠時平子師尹忠平子也冬以連年穀貴運近國不動穀於穀倉院置常平所

二年^{戊午}十月立女御藤原氏為中官皇太子母也。是歲鎮守府將軍源經基卒。經基貞純親王子。賜姓源子滿仲。又襲父官。

四年^{庚辰}春三月御清涼殿為歌合會。歌合始此。

夏右大臣師輔薨。師輔能容衆。雖久闕問者至。則待之如初。是以父時寶僚多來歸焉。

八月以大納言顯忠為右大臣。九月禁中火。

歷代重器文書多亡。帝避於太政官朝所。深自警懼。召大臣實賴曰。其助補不逮。乃索得神鏡。

燼中內侍以袖受之。以出。遂稱鏡曰內侍所。

冬帝徙御冷泉院。敕課畿內南海。及東至美濃。

西至長門十六國。修官期以明年。令大納言藤

原在衡董役。

應和元年^{辛酉}夏五月。詔免造官諸國。今年半租。

十一月宮成。還御。

三年^{癸亥}冬。大納言源高明奏請獎學院諸生。準

勸學院例。給年官。任諸國椽。

康保元年^{甲子}夏中官藤原氏崩。納其妹為尚侍。

日本書紀 卷之七

中宮右大臣師輔女有婦德帝屢問政事所言多聽又藤原師尹女為女御以明慧得寵遂踈后后崩帝乃念之后妹登子為帝兄重明親王室出入宮中帝悅之通焉及重明薨欲納之而憚后后崩踰月乃納為尙侍絕寵之至晝不出寢欲立為中宮以前有子乃止左大臣實賴竊惜其累德而不能匡止也

二年丑夏右大臣顯忠薨年六十八時平子也顯忠性節儉出無前驅諸兄弟皆壯歲歿世為

菅氏崇顯忠每夜出庭拜訴 五月以大納言

源高明兼左大將醍醐第十七子 冬十月行

幸朱雀院觀左右馬寮騎召文臣四十人獻詩

親試之

三年丙春正月以源高明為右大臣 三月御

射場試親王公卿以下射 秋大水賑兩京民

被災者甚者免調徭

四年丁夏五月天皇崩遺詔薄葬勿置陵帝寬

恕恩無偏私嘗問近臣外間以朝政為何如對

日本書紀

卷之七

五

菅氏崇顯忠

曰稱其寬。帝喜曰。朕志也。又嘗召一老吏問曰。朕治孰與延喜。老吏懼不敢對。帝頻問之。吏乃曰。賤臣何有所見。唯覺主殿寮多進松明。率分堂前生草。與前代少異耳。蓋寮政務所會堂。割大藏省十分一別納。謂政事煩劇。歲貢無餘也。帝聞之有愧色。自是益加意政治。論者謂其並醍醐。稱延喜天曆云。帝好文學。多才藻。而愛文士。上素寵任。大納言源延光。適有疎待色。延光懼不朝。俄召見曰。學生藤原雅材者。甚有文才。

卿盡薦之。延光頓首謝。乃奏雅材爲郎。故事。文章博士必兼他官。橘直幹爲博士七年。未有所兼。上疏自訴貧困。帝不憚。然愛其詞。卽日下敕。兼民部大輔。直幹疏小野道風所書。上以其詞書兩絕。甚賞玩之。後禁內火。先問曰。直幹疏無恙。其愛才如此。六月。葬村上天皇。

賴襄曰。世之言王政。必稱延喜天曆。以其典章文物。爛然具備而已。察其實。多不稱者。譬若人之風丰。跌麗。而心腹蓄疾。是良醫之所

畏故識者於二代無取焉。而謂天曆不及延喜者。非也。然當時已謂然矣。觀村上與老吏問答可見焉。襄獨以天曆爲勝。延喜何以知其勝。卽此一事以知其勝也。夫以萬乘之尊。問政事得失於一賤吏。非其留心於政。孜孜不倦。何能如此。至聽其言。以自知不足。益勤於政。則人主之所絕無而墮有。足以爲百世之法矣。延喜恐未能及此。何則。其先皇之遺誠而不肯聽也。則其他可知矣。和顏接下。導

之使言可矣。因災異求直言可矣。而未聞其聳懼聽納其言。而省於己如此也。蓋老吏言所謂主殿寮多進松明者。言劇務至夜未已也。其清其本源。使不至煩劇上也。其次雖至煩劇。勤而不倦也。倦而不勤。斯爲下矣。所謂率分堂生草者。言歲貢無餘也。夫量入以爲出。國計常有餘者上也。其次出者與入者相當也。量出以爲入。而猶不足者。斯爲下矣。醍醐繼列朝太平之業。而村上承天慶大亂之

後國用之贏縮。宜相縣絕也。而其賑恤之政。視之延喜。無或不及。非勤政之効。何以至此。以此言之。雖曰天曆勝延喜可也。其授政權於外戚。則延喜之遺毒。不可解免耳。雖然。兼明高明於帝。為親兄弟。藤原在衡。於戚黨為踈屬。而皆引當要路。使與諸權戚相鈐制。視之延喜之忌弟。逐父所簡遺大臣。而獨任二后兄者。孰與耶。或曰。高明亦以中宮妹夫爾。然則謂兼明在衡何乎。至若夫好內寵。帷薄不修。所謂累德之大者。雖然。未至如唐明皇奪子之妻。勤政不終。終速大亂。要之。當時風習。多如此者。不可專尤於帝也。

日本正記

卷之七

三十一

藤原

冷泉天皇

諱憲平。村上第二子。母中宮藤原氏。右大臣師輔女。在位二年。

收元一。曰安和。讓位皇太弟。後四十四年崩。壽六十二。葬櫻本。乾原。

冬十月。天皇即位于紫宸殿。帝有疾。未愈。不能

御。大極殿。時年十八。十二月。左大臣實賴為太

政大臣。關白庶政。聽節會。日不就班。直上殿立

皇弟守平親王為皇太弟。右大臣高明為左大

臣。大納言師尹為右大臣。兼皇太子傅。

安和二年。己春三月。貶右大臣源高明為大宰

權帥。藤原師尹為左大臣。兼左大將。大納言藤

日本後記 卷之七 冷泉 四十一 藤原

原在衡為右大臣。大納言藤原伊尹兼右大將。初村上中宮生帝及為平守平二親王。殊愛為平。中宮妹適高明。高明又進其女為平妃。既而中宮與其父師輔皆逝。為平失勢。村上以帝有心疾。欲立為平為其儲貳。諸藤原氏以其婚源氏沮之。及村上崩。關白實賴稱遺詔立守平。高明失望。右大臣師尹害高明。常謀因事除之。代其位。至是帝病不愈。中外謂當有禪位。左馬頭源滿仲與中務少輔橘繁延等密謀奉為平。

走關東作亂。已而滿仲意中悔。請師尹誣告高明。與繁延等謀廢立。上未之信。師尹急戒嚴諸門。遣兵圍高明第。矯詔貶謫繁延等。皆坐流京師。驗擾如天慶亂。為平憂懼。欲削髮。帝慰喻止之。八月。帝疾劇。讓位皇太弟。遷冷泉院。

賴襄曰。安和之變。可謂可疑矣。夫源高明進女於為平親王。出村上之命。曰謀擁立之以擅政者。臆逆之言耳。雖然。村上欲立為平為冷泉之儲貳。而以其與源氏婚。有沮之者。實

也及村上崩遂矯遺詔立守平親王蓋不厭
中外之心故曰高明失望出怨言者或輿誦
所傳也而亦未可必其實否也舊史乃稱高
明怨望爲亂者所誣告連及然而所謂作亂
者何人哉非省府下僚則國介耳典廐耳忽
謀奉親王奔關東爲平新皇之所爲是最可
疑者也不然其意中變走告者就中稍有威
望者也饒令自首宜少加斥黜而無所問卽
雖稱爲逆首者間歲輒召還給封三百戶無

所防護何哉嗚呼此與承和之變延喜之事
其情一也三者獨延喜世全知其寃而承和
與安和以半爲實以半爲寃吾斷以爲全寃
也構此寃獄者有主有從延喜之源光安和
之藤原師尹皆所謂從也知延喜之爲主者
則知安和之爲主者而承和之爲主者亦可
知矣曰雖然主於承和者未逞其志者也主
於安和者則旣逞矣而何苦組織構成之耶
曰彼以其所據地爲私有欲私相傳恐它人

日本政記 卷之七
奪之也。故其所組織獄詞。皆如自言已之肺肝也。

圓融天皇

諱守平。冷泉同母弟。在位十五年。改元五日。天祿天延。貞元。天元。永觀。傳位皇太子。後七年崩。壽三十三。葬毘藏骨村上陵側。

秋九月。天皇卽位于大極殿。尊先帝為太上天

皇。大政大臣實賴攝政。如忠平故事。立皇姪師

貞親王為皇太子。左大臣師尹為傳。冬。左大

臣師尹薨。大納言伊尹轉左大將。中納言賴忠

兼右大將。賴忠實賴子。伊尹師輔子。

天祿元年。庚申。春正月。以藤原在衡為左大臣。伊

尹為右大臣。以大納言源兼明為皇太子。傳。

日本文記

卷之七 圓融

四三

貞代藏反

夏五月攝政實賴病疾。詔太赦天下。救之。遂薨。
贈正一位。封尾張公。謚清慎實賴。練達朝章。人
稱其盡心政治。右大臣伊尹攝政。秋八月以
大納言源兼明爲皇太子傅。賴忠轉左大將。大
納言藤原兼家兼右大將。兼家師輔第三子。
冬十月左大臣在衡薨。系出左大臣魚名。在村
上朝以格勤至。大納言常探知帝所讀書。每入
朝車中看其書。遇顧問占對明悉。以是得寵。源
高明之貶。在衡聞之歎息。家臣賀當代其位。在
衡大怒逐之。

二年。癸亥。冬十一月。以右大臣伊尹爲太政大臣。
大納言源兼明爲左大臣。大納言賴忠爲右大
臣。兼明高明兄。是歲召還高明。
三年。壬申。春正月。帝加元服。冬。伊尹疾。賜度者
入十人。罷攝政。太政大臣如故。遂薨。贈正一位。
封參河公。謚謙德。以權中納言藤原兼通爲內
大臣。內覽宣旨兼通伊尹弟。兼家兄也。以兼家
超已顯達。帝失望。屢廢朝參。上稍踈之。兼通意

望攝關恐兼家妨村上中宮其妹也其在時兼
通嘗竊請其手書曰攝關有關當兄弟相及不
宜躐等置之懷袖及伊尹病篤料其不起乘間
進請上望見欲起入兼通捉上裾復坐乃奉其
書上見母后手跡愴然乃超任之

天延元年癸酉立女御藤原氏為皇后內大臣

兼通女兼通女

二年甲辰春兼通為太政大臣關白諸政尋賜牛

車大

貞元元年丙午夏五月禁內火課諸國造宮城

六月地大震至九月不止民多壓死帝避出南

庭周暉為御坐遂遷御關白兼通堀河第

二年丙辰夏四月罷左大臣源兼明以藤原賴忠

為左大臣大納言源雅信為右大臣賴忠兼通

所善兼明其所惡也冬十月兼通有病以賴

忠為關白罷兼家右大將以中納言藤原濟時

代之初兼通已專政又逼請為關白第宅僭擬

宮闕有謗者中以危法時人語曰寧投虎口勿



觸搆政口與兼家益嫌隙朝臣詰兼家者以夜
又誣奏兼家女幸冷泉上皇生子因圖廢立帝
不信兼家聞其疾劇曰吾將為關白遽入朝兼
通聞其喝道聲以為問已病拂席疾過門不入
乃大怒奮起力疾入朝兼家望見避之兼通意
色殊惡直前奏曰臣今日行最後除日左大臣
賴忠當代臣為關白兼家謀反當解見任左轉
治部卿奏可兼通顧公卿曰誰欲大將皆相曰
未言濟時趨進曰臣可乎乃奏代兼家 十一

月前關白兼通薨敕廢朝三日贈正一位封遠

江公謚忠義 十二月權大納言藤原朝光兼

右大將

天元二年戊寅賴忠為太政大臣關白如故源雅

信為左大臣藤原兼家為右大臣先是兼家作

歌哀訴帝慰答之及兼通薨賴忠奏請因有是

命

二年己卯夏中官藤原氏薨

三年庚辰冬禁內又火詔減御膳免諸國調庸連

日本後紀

卷之五

二十六

賴氏

負除徭半。

四年^{巳辛}春免與修官役諸國今年租半。

五年^{午壬}春京諸國多盜賊奪調庸放火劫人有

盜露及登弘徽殿捕得之。夏六月盜火式乾

門。冬十一月禁內又火。帝遷御堀河後院。

是歲能登守源順卒。順嗟峨帝四代孫有才學

而沈滯作無尾牛歌。述懷上聞憐之。與此官在

任三年卒。著有和名抄。

永觀元年^{癸夏}四月改元大赦。以頻年多災變

故也。

二年^{甲申}秋八月帝讓位皇太弟。立皇子懷仁為

新帝儲貳。初中官崩。立女御遵子為中官。關白

賴忠女也。先是兼家女詮子亦為女御。有寵。上

以賴忠故不敢立。兼家恚已而詮子生懷仁。其

第^上欲臨視。憚中官不果。數召詮子。兼家留不

遣。又自稱病不朝。上欲慰之。令懷仁着袴禁內

詮子因入宮。三日復出。上又攜懷仁出觀。相撲

節會。因強起兼家入朝。親諭之以傳禪意。曰。卿

日本後記

卷之七

順代載後

不知朕意耳。兼家乃悅。九月。上帝尊號後太
上天皇。以別於冷泉上皇。

華山天皇

諱師貞。冷泉長子。母贈皇太后藤原氏攝政伊尹女。在位三年。

改元一曰寬和。遜位後二十年崩。壽四十一。葬紙屋川上法音寺北。

冬十月。天皇卽位于大極殿。時年十七。太政大臣賴忠。關白庶政。左大臣雅信。兼太子傅。右大臣兼家。左大將朝光。右大將濟時。並如故。權中納言藤原義懷。左中辨藤原惟成。參決機務。義懷伊尹子。機敏諳朝章。難以資望尚淺。未外台

司。然以外舅。故親任。惟成。右少辨雅材。于方正有幹略。與義懷協心贊畫。文章博士兼彈正少弼大江匡衡。爲侍讀。帝勵精圖治。紀綱稍振。盜賊屏息。先是。大宰府多私帶兵仗者。聞上卽位。皆解散。詔求直言。曰。朕在東闈十餘年。卽位日淺。粗聞前事。欲圖後治。頃水旱頻降。民困。水浮食日多。少執節儉。倉廩已竭。田園自荒。夫國之將興。上下聚脣。其將廢。道路以目。雖澆季之俗。疲極之民。忘身戮力。庶可扶濟。人和而天和。

日本後紀 卷之七 華山 四十一 賴氏載夜

日本正記 卷之廿一

民足而君足。所謂大臣重祿不諫。小臣畏罪不言。下情不上通。此患之大者。宜令公卿以下。內外百官。五位以上。及秀才明經。及第者。多上封事。匡朕不逮。卿等自慮中心。廣詢衆庶。莫遺微賤。凡國之利害。政之得失。盡露其膽。莫得諱隱。寬和元年。乙酉秋七月。女御祇子卒。大納言藤原為光女也。

二年。丙夏六月。右大臣兼家使其子道兼奉帝出宮。削髮于華山元慶寺。權中納言義懷。左中

辨惟成。並削髮從之。初。上性輕佻。數易所幸。獨祇子不渝。有身。例出宮就其家。上不忍離。強召同寢。終不分婉。卒。上哀毀迷亂。道兼為藏人。左小辨。雄策多智。兼家授之計。勸上遜位歸佛。曰。臣亦奉從。上許諾。約期。義懷惟成知之。數諫慰。是月。庚申夜。道兼得間。使人先奉劍。繫於東宮。已與僧嚴久。潛奉上出宮。上猶豫。道兼急促之。入寺。厥明。落飾。道兼將剃。佯請還家。訣父母。乃去。不復來。天文博士安部晴明察乾象。有變。急

日本政記 卷之廿一 貞代載版

入朝奏之不及。義懷與惟成聞之。馳至寺相視。失聲愧輔。翌無狀。並薙髮爲僧。持戒終身。法皇歷遊嘗苦。至病卧海濱。殆不起。後入京居外祖母家。稍近婦女。

賴襄曰。王家之事。至冷泉圓融。華山之際。吾不欲復論之也。天以帝王之貴。宰輔之重。宗廟社稷。生民之所寄。而其廢立黜陟。一依閭閻之私。寧可復論其得失哉。至兼通兼家之事。可謂甚矣。兄弟爭權。至以天位博奕。是謂

大亂之世。不待保元平治也。其躁競無耻。狡悍不忌。千載之下。使讀者掩卷。是爲何等朝廷乎。雖然。原彼所以能然者。人君初使之然焉耳。已不慎其德。欲敗度。縱敗禮。以私滅公。使權下移。其勢終至此。可不哀哉。所賴者。祖宗之紀綱具在。有以一振之。雖潰敗之極。不患不可自立矣。史稱華山初卽位。厲精圖治。盜賊屏息。太宰府去京師二百餘里。其私帶兵仗。不肯從法令者。聞上卽位。皆解散。其求

言之詔。鑿然起衰救敝之急務。足以使天下
革面洗心。雖或由惟成義懷之所教。而未必
不出於其衷也。苟執此心不撓。實其言而擴
充之。雖有大姦劇賊。將斂其手。而何有於此
猥瑣小黠之輩哉。奈何其以一婦人之故而
舍天下之悅將歸已而不顧。甘爲人所騙弄。
視其始。如兩人者。何哉。仲尼贊乾曰。天行健。
君子以自強不息。它日論剛曰。慾焉得剛。故
人君欲制權臣。當先自制其慾。不能制其慾。
則失其剛。比自強者息。彼將反制我。

日本政記卷之七終
五十一
賴
氏
崩
崩

日本政記卷之七終

日本政記卷之八

賴襄子成 著

一條天皇

諱懷仁。圖融長子。母三條院藤原氏右大臣兼家女也。在位二十

十五年。改元六。曰永延。永祚。正曆。長德。長保。寬弘。禪位皇太子。崩。壽三十二。茶

毘藏骨圓融帝陵側。

秋七月。天皇卽位于大極殿。時年七歲。右大臣兼家攝政。罷太政大臣賴忠關白。兼家辭。右大臣准三宮位。在三公上。大納言藤原爲光爲右大臣。爲光兼家弟也。上先帝尊號太上天皇。弗

日本政記卷之八 一條 賴氏成 著

日本政記 卷之六
受立先帝弟居貞親王爲皇太子。

永延元年丁巳秋九月。中務卿兼明親王薨。親王

以雄才博學。聞圓融朝爲左大臣。爲攝政兼通

所忌。罷爲中務卿。陽尊實奪其權。乃營龜山莊。

作菟裘賦。以自遣。及帝長好學。召兼明于伊陟。

問其遺物。伊陟對曰。唯有菟裘。令獻之。乃菟裘

賦也。有扶桑豈無影乎。浮雲掩而乍昏。叢蘭豈

不芳乎。秋風吹而先破句。上嘆息。自書其句。藏

巾箱。帝崩後。關白道長入卧內。覩而惡之。手裂

之云。

二年。戊子壽攝政兼家六十。設宴其第。兼家又營

二條京極第。成大宴朝臣。東宮大進源賴光贈

馬三千匹。以頒賓客。宴集之盛。前此所未有。

賴襄曰。一條帝亦有志於治者也。曰。吾得人

才一事。不讓延喜天曆。然吾觀其所謂人才。

如四納言。世所盛稱。雖練達朝章。大抵容媚

權門者耳。大江時棟慶滋保胤等。以文學稱。

藤原佐理行成等。以筆札著。而毫無補於國

家然猶謂才與地稱矣。源雅信以善音律能轉喉為新調。聞者傾聽。藤原朝光創意為透額冠。後人遵用。大臣大將之所為。如此而已。朝廷之政。為權家所擅。使天子於邑鬱結。而袖手傍觀。無敢一言匡救之。可謂之朝廷有人矣乎。攝政兼家之落二條京極第也。大宴朝臣。源賴光贈馬三十四匹。以頒賓客。世傳以為宴集盛事。前此所無也。夫賴光時為東宮大進。其賤小也。其祿薄也。而有馬三十四匹。何哉。使當時公卿有虞天下國家者。可不加之意乎。蓋公卿大夫以恬熙為務。媮衣甘食。漁色鬪歌。而捕盜討賊之事。委之武臣。世官者曰。是賤事耳。而不省地方兵馬之富。漸歸其手。他日平治建久之勢。隱然已胚胎於此。而舉朝莫能察。徒以資誇談焉。果無人故也。則其所謂才者。可知已。兼家子道長。更極專擅。家出二后。身為兩朝外祖。嘗咏歌其意曰。此世吾之世也。嗚呼。何知二百年後代有此世。



者。更有其人哉。

日本政記

卷之八

三

東上別片

永祚元年。春。以權大納言藤原道隆為內大臣。夏。罷朝光左大將。以道隆兼之。道隆兼家子也。秋。七月。太政大臣賴忠薨。贈正一位。封駿河公。謚庶義。八月。京師大風。宮門倒。諸國海溢。冬。以僧餘慶為延曆寺坐主。眾徒服前坐主尋禪。不受敕使。破裂。宣命。敕賜尋禪封百戶。不問眾徒罪。十二月。兼家為太政大臣。攝政如故。尋罷攝政。為關白。

正曆元年。庚寅。春。帝加元服。夏。五月。兼家有疾。

日本政記 卷之八 三 東上別片

日本書紀 卷之八
奏讓關白。朕於長子道隆。尋爲攝政。先是兼家京極第多恠。乃捨爲寺。曰法興院。尋削髮稱法興院關白。相家稱院。始此。敕度一百人。大赦天下。祈病愈。奏辭朕。左中辨藤原有國。右中辨平惟仲。爲兼家信任。曰。是我左右眼也。將奏辭職。問二人。吾子誰可嗣朕。有國善道兼。曰。公執柄三郎力也。惟仲曰。舍嫡則何。乃立道隆。道隆曰。吾至此。非德選。特以嫡長。然所喜得報有國耳。卽朕卽奪有國父子官。六月。罷攝政道隆。左

大將。濟時轉左大將。權大納言道兼兼右大將。秋七月。兼家薨。道兼以有功於父。缺望。在喪無戚容。會客游嬉。源賴光弟賴信仕道兼。欲刺道隆。曰。使吾王代之。賴光掩其口止之。冬。立道隆女定子爲中官。時帝年十一。中宮十五。二年。辛卯。春正月。法皇崩。融葬園融天皇。秋七月。罷攝政道隆。內大臣。九月。右大臣藤原爲光爲太政大臣。大納言源重信爲右大臣。權大納言道兼爲內大臣。皇太后削髮號東三

條院女院始此。

三年。夏。大水。太政大臣為光薨。贈正一位。封相模公。謚恒德。稱鷹司相國。其女為華山女御。病卒。為光哀戚。遂歸佛。創法住寺居焉。稱法住寺大臣。

四年。夏。道隆辭攝政為關白。秋。以右大臣重信為左大臣。左大臣雅信辭職。尋薨。雅信字多帝孫。善倭歌及蹴鞠。又善音律。轉喉為新調。聞者傾聽。

五年。春。帝始視除日。秋。內大臣道兼為右大臣。權大納言伊周為內大臣。伊周道隆次子。才貌過人。父愛之。故超越先輩。年僅二十一。

長德元年。夏。關白道隆薨。道隆在職多汲進妻黨。時論少之。性嗜飲。與藤原朝光藤原濟時為酒敵。臨終曰。吾不得與二子俱。則生天堂亦不樂。已而二人相繼薨。人以為奇。朝光兼通子。濟時師尹子。並至大將。朝光美姿儀。嘗創意製透額冠。後人遵用。朝光初娶重明親王女。生數

日本書紀 卷之六 五 東山天皇

時有正訓
卷之六
六
賴氏補註

子。聞大納言源延光妻新寡。醜而饒貨。乃逐其室而娶之。初村上帝善等。授之濟時。傳其女娥子。皇太子貞居聞慕之。遂納為妃。濟時悅。謂必賜輦車。詣關白兼家。言情兼家諾之。拜舞而出。然輦車竟不下。世呼為空拜大將。以右大臣道兼關白庶政。權大納言藤原道長兼左大將。五月。道兼薨。在戕僅七日。世曰七日關白。敕道長內覽太政官文書。道長兼家季子。豪爽負氣。嘗有相者視之曰。是謂虎獨步深山。貴顯無比。是歲春。道隆病。奏令其子伊周攝省中事。帝以伊周中官兄。固親寵之。及道隆薨。道兼為關白。伊周失望。道兼薨。伊周自謂必得政。上意亦在焉。而東三條太后。道長姊也。欲其執政。上不聽。太后大恚。上不得已從之。是月左大臣源重信薨。六月。道長為右大臣。大納言藤原顯光兼右大將。是歲。以藏人頭源俊賢為參議。以藤原行成為藏人頭。俊賢高明子。行成伊尹子。初藏人頭關白道隆難其人。問俊賢。俊賢曰。莫

藏人頭關白道隆難其人。問俊賢。俊賢曰。莫

日本書紀
卷之六
二
賴氏補註

踰下官者道隆奏舉之至此上問俊賢自舉可代者以行成對後皆為納言時藤原齊信為光子藤原公任賴忠子與俊賢行成並為納言明習朝典世稱四納言

二年丙申夏內大臣藤原伊周有罪貶為太宰大貳中納言藤原隆家貶為出雲權守先是故太

政大臣為光二女曰三君四君孤居鷹司第伊

周私三君華山法皇挑四君數往觀之伊周意

與三君通告之其弟隆家隆家率惡少夜要法

皇放矢怖之誤中其衣中外不敢言已而東三

條太后疾或言其由伊周咒詛乃有此命先是

中宮有身出居伊周第伊周亦徘徊不往上聞

之乃安置伊周于播磨隆家于但馬已而伊周

私歸西京遣檢非違使押送太宰府中宮往皇

女大赦並見召還秋道長轉左大臣大納言

顯光為右大臣是歲大饑米價騰貴

三年丁酉秋藤原公季為內大臣

四年戊戌以文章博士藤原為時為越前守越前



守闕爲時與源國盛並冀望之。左大臣道長援國盛爲時竊上書哀訴。上讀之。悽惻至不御膳。道長乃罷國盛與爲時。

長保元年已夏禁內火。課諸國造宮。冬。以左大臣道長女彰子爲女御。

二年。庚春二月。立爲中宮。稱上東門院。故中宮定子改曰皇后。彰子生豐艷。髮長於身二尺許。

道長殊愛之。欲其貴。及入內。裝奩玩工。究極工巧。居飛香舍。侍女數十人。皆妙選。一時才色。時彰子年十三。帝每歲曰老翁可愧。先是皇后有身。出就其父。但馬守平生。冒家生皇子。敦康時。上未有子。大喜欲見之。憚道長不果。闕中宮歸寧。召入后及敦康。既而后又有身。生皇女。數日崩。后出寒微。恭謙有恩。中外哀惜。后侍女有清少納言。中宮侍女有紫式部。和泉式部。並有才名。少納言。清原元輔女。和泉式部。大江雅致女。多滄行。紫式部。越前守藤原爲時女。嫁右衛門佐藤原宣行。生一女而寡。著文自娛。中宮好文。

日本書紀 卷之六 貞氏 貞氏

詞召為師道長悅其才色欲私之式部拒不從

三年辛丑秋罷藤原道綱右大將以權大納言藤

原實資兼右大將實資參議齊敏子為祖父實

賴子養以強敏稱冬十一月禁內火帝遷居

一條院東三條太后崩太后兼家女其兄舅相

繼為關白朝政多取決焉崩年四十是歲復藤

原伊周官進從一位

四年壬寅夏敕造官制度務從儉朴明年冬宮成

五年癸卯冬宮成還御

寬弘元年甲辰冬罷太宰權帥平惟仲以字佐嗣

官訴之也

二年乙巳春大藏省火盜殺大藏大輔平季信

冬禁內火神鏡大刀契焚帝遷東三條第尋遷

一條院遣使奉御筆宣命伊勢大鹿是歲以藤

原伊周班大臣下納言上參預朝政

三年丙午春造宮是歲大和守源賴親糺興福寺

僧不法僧徒二千餘人入京訴之左大臣道長

慰諭遣還

續世鏡版

五年。春。以藤原伊周准大臣。賜封千戶敘正

二位。二月。法皇崩。葬華山天皇。秋九

月中宮生皇子敦成于上東門第。帝臨幸飲宴。

召道長家人授位有差。伊周謂敦康親王必為

太子。及敦成生不懌。有流言其咒詛。道長寤治

黨與停伊周朝參。既而得釋。

六年。秋七月。中務卿具平親王薨。具平。村上

帝子。受業於慶滋保胤。有文名。而性恬退。世與

兼明並稱。曰前後中書。嘗和御製詩。有忽戴君

王還白耻。風聲猶滅漢東平之句。冬十月。一

條院火。徙御左大臣道長枇杷第。

七年。春。准大臣伊周薨。臨終。自以不遂志。嗚

咽而逝。冬十一月。一條院成。還御。

八年。夏五月。天皇不豫。六月。讓位皇太子。名

貞立。皇子敦成。為新帝。儲貳。尋崩。初。帝意欲立

長子敦康。而皇后既崩。伊周亦薨。弟隆家資望

猶淺。帝以其無援。又憚道長密謀於中。納言藤

原行成。行成亦懼道長。勸立敦成。中官養敦康

原行成。行成亦懼道長。勸立敦成。中官養敦康

原行成。行成亦懼道長。勸立敦成。中官養敦康

善視之。勸其父立之曰。我子尚幼。事未晚也。道長不可。遂立敦成。帝崩。帝性慈仁。嘗效延喜帝。寒夜脫御衣。以體民苦。藤原齊信嘗欲有汲引。聞上語曰。凡事須友淳素。不能請而止。道長曰。獻珍羞。聞之不敢復進。帝在位最久。人才輩出。嘗言朕得人一事。庶不愧延喜天曆。心疾道長專權。而力不能制也。秋七月。葬一條天皇。史稱一條帝心惡藤原道長所為。而不能制也。蓋以藤原氏之累兼權戚。雖英明之君。有

不能奈何者矣。况帝乎。而欲以制道長難矣。曰。然則是終不可奈何乎。賴襄曰。可。帝嘗從容謂侍臣曰。凡事須反淳素。藤原齊信欲有所汲引。聞帝言不能請而止。道長獻珍羞。聞之不敢復進。嗚呼。是可為之機也。人主據可為之位。挾可為之資。雖為權門所鉗制。處無奈何之時。而非無可回復之機也。其機不在於彼。而在於我。譬若沈痼廢疾。其來非一日。扼其要害。而不可除。欲以攻擊克之。非其斃



不可姑舍之。扶其元氣以勝之。元氣昂則疾勢伏。其機然也。人主誠原其始思之。彼其所以能專其權以制我者。何哉。我始借之權也。我家每娶其女也。彼以我之舅氏。以擅我政也。是藉我以為重者也。藉我以為重者。亦藉我以為輕。故曰。其機在於我。苟正吾度。為我所可為者。則彼將畏服而不敢蔑視我。曰。是亦如君也。君如君。則臣庶幾將如臣也。其初之所以敢不如臣者。由於君不如君也。帝一

言如君。則足以驚服道長。其機如此。惜乎不知養此機以遂克之也。苟養此機以遂克之。則叔復朝權。不必待後三條也。夫欲養此機。必當有以輔之。如元氣之須參耆。如藤原實資。乃帝之參耆也。舍此而不用。欲用后妃。伊周以制之。是欲養癰疽以擊痰飲也。

日本書紀卷之八
三條天皇
刺以瘠片

三條天皇

三條天皇

三條天皇

三條天皇

三條天皇

三條天皇

諱居貞冷泉第二子母贈皇太后藤原氏攝政兼家女在位五年

改元一曰長和禪位皇太子明年崩壽四十二火葬藏骨於北山

冬十月天皇即位于大極殿年三十六左大臣

道長知太政官文書如故太上天皇崩冷泉十

一月葬冷泉天皇

長和元年壬子立女御妍子為中宮左大臣道

長女上東門院妹也稱枇杷中宮道長積備衰

奩十年許奢華過其姊夏贈故大納言藤原

濟時太政大臣立女御娥子為皇后后濟時女

日本書紀卷之八三條天皇

也。上初欲立之。而憚道長。道長陽贊成之。及冊拜。朝臣恐補其宮。戕忤道長。吉悉往中宮。上遣使召之。無應者。甚至罵辱。敕使投以瓦礫。上大恚。獨右大將實資曰。吾豈阿權臣而忽王事哉。乃與中納言隆家等數輩入朝。預嘉會。上因是竊倚賴實資。是歲侍從大江匡衡卒。匡衡左京大夫重光子。受業祖父維時。以文學著。然沈滯終身。子舉周。養子時棟。並繼其業。妻稱赤染衛門。爲左大臣道長妻侍女。嘗著書叙藤原氏

盛事曰榮華物語

二年癸卯冬十二月。上患日疾。使僧禱之。

三年甲寅禁內火。三月內藏掃部二寮火。累代寶

器多焚。夏四月。上徙御枇杷第。五月定造

官諸司。課諸國守督作。以明年三月爲期。

四年卯大疫。九月官成。還御。進造官諸司位。

十月。詔道長行京官。除目於直廬。儀准攝政。

道長欲太子早登位。數諷上。遜位。上眼疾增劇。

不能視朝。乃有此命。罷內大臣八季。左大將以

日本文記 卷之八 十一 賴氏藏板

大納言藤原賴通代之。賴通道長子。帝謂左右曰。吾委除目於道長。道長所為不公。自取冥譴。朕不與焉。十一月。禁內火。復徙枇杷第。目疾不愈。道長使醫官以寒水進。金液丹。遂喪明。五年。丙春正月。天皇讓位皇太子。立敦明親王。為新帝。儲貳敦明。皇后所生也。時道長奏請立敦良。帝不聽。遂立敦明年二十三。長於新帝十四歲。敦明不自安。帝欲右大將實資為東宮傅。實資以衰老不堪辭。朝臣擬東宮屬者皆固辭。

右大臣藤原顯光女為敦明妃。乃以顯光為傅。

後一條天皇

諱敦成。一條第子。母上東門院藤原氏攝政道長女。在位二十一年。改元四。曰寬仁。治安。萬壽。長元。崩。壽二十九。火葬。藏骨淨土寺。

二月。天皇即位于大極殿。帝生甫九歲。左大臣

道長攝政。尊先帝曰太上天皇。夏四月。課緒

國造宮。冬十月。道長罷左大臣。

寬仁元年。丁春三月。顯光轉左大臣。公季轉右

大臣。權大納言賴通為內大臣。道長罷攝政。以

賴通代之。位班左右大臣上。夏四月中。納言

日本正言 卷之六 十一 一 勅曰 新

教通兼左大將。教通賴通弟也。夏五月。太上天皇崩。葬三條天皇。秋八月。廢皇太子敦明。立敦良親王為皇太弟。初大傅顯光以舅故。每事擁護太子。然朝臣憚道長不敢起居太子。及上皇崩益甚。東官官屬至厮役皆不肯供。我太子不能堪。欲託疾逃位。道長又使參議藤原兼隆等怵太子。太子愈懼。召道長子能信言其情。道長喜。謀之大納言源俊賢。俊賢使速決計。乃急奏帝及上東門院。門院曰。果然。宜立敦康。

從先帝遺旨。道長曰。彼無外戚援。不可。遂矯詔廢太子。太子母堀河太后聞之。驚往視。不及號泣。道長病之。奏賜號小一條院。置年官受領吏。准上皇封戶仍舊。又納其第五女為妃。以慰之。且掩物議。故妃延子歸家。憂憤薨。妃父顯光哭之。一夕鬚髮盡白。冬十二月。前攝政道長為太政大臣。叙從一位。

二年。戊春。辭太政大臣。夏四月。宮成。還御。冬十月。立道長第三女威子為中宮。中宮長於

日本後紀 卷之六 十一 一 續氏藏

日本書紀 卷之八
帝九歲。帝尚幼。以中宮匣奩爲戲玩。於是道長一家三后。帝與大弟並爲外孫。嘗同集上東門第。道長喜作歌。自頌。以月望無缺。自喻。以語右大將實資。使和之。實資辭曰。秀歌不和。自古然也。十二月。敦康親王薨。年二十一。親王夙有令譽。爲一條帝所愛。憚道長不得爲太子。及小一條辭位。上東門院欲援立之。亦不果。門院厚資給之。又以其妃爲攝政。賴通妻妹。得其助。家纔得不乏。

二年。夏。刀伊賊寇壹岐。殺守藤原理忠。遂犯筑前。太宰權帥藤原隆家遣前少監大藏種村等。逆擊大破之。詔進隆家爵。以種村爲壹岐守。隆家伊周弟。以敦康親王不得儲位。憤歎。欲請外任。會帥關。奏請得之。有治績。是春。壹岐對馬有警。驛奏請救符。救符未至。而有此寇。隆家發兵。諸將以賊船多。請益戰艦。種村不可。奮進。捷報朝議。以其私發。不宜加賞。大納言實資引寬平中對馬守防新羅寇得賞例曰。有功不賞。何

日本書紀 卷之八 十一 續武藏版

日本政記卷之八

以厲後大納言藤原齊信亦同其議乃與賞

夏五月左大臣顯光薨冬十二月內大臣賴

通改攝政為關白

四年庚申夏痘行帝亦患之因詔免諸國調庸逋

負疾病者遣吏撫視

治安元年辛酉夏六月以右大臣藤原公季為太

政大臣賴通為左大臣賤如故實資為右大臣

教通為內大臣尋以實資兼皇太弟傳

二年壬戌秋七月先是道長創法成寺於京極擬

興福寺究極土水未成而獲病乃課諸國督役

速成帝臨幸落之

萬壽元年壬子秋幸關白賴通賀陽院第觀競馬

四年丁卯春京師多盜八禁中奪物二月右近

衛府圖書寮火冬十二月前攝政道長薨先

是三條皇后及太子妃前後崩薨皆道長女道

長立朝四十餘年始遭凶事遂哀感致病帝臨

視問所欲言道長曰臣復何望唯法成寺成董

役者未被賞為憾耳帝即敕加家司等位賜寺

名

封五百戶。遂薨。年六十三。世稱法成寺攝政。又稱御堂關白。此時禁諸國吏管宅過制。及六位以下。版築作垣。檜皮葺屋。而道長造營。僭禁宮。取林木徒役於官。

長元元年。秋。前上總介平忠常作亂。下總攻殺安房守。遣檢非違使平直方等。下官符東海。東山二道。發兵討之。是歲太政大臣公季薨。闕祖。

三年。庚。安房守藤原光業畏忠常。奔印鑑。奔還。

以平正輔代之。秋九月。召還平直方。敕甲斐守。

源賴信率坂東諸國兵。討忠常。忠常負山帶湖。為固。賴信襲執之。撫降餘衆。

四年。辛未。夏。攜入京師。忠常途病歿。斬首以獻。叙。

賴信從四位上。為上野常陸介。賴信以老不堪。遠任。請改守丹波。不許。

五年。壬申。大旱。諸大川皆涸。

六年。癸酉。盜入禁中及東宮。

七年。甲戌。自春正月。至秋七月。雨。八月。大風洪水。



九年丙夏天皇崩在位二十一年年二十九

五月葬後一條天皇帝每憚勞民及葬役夫相

語曰二十年間使吾齊息肩今豈不效力

後朱雀天皇諱敦良後一條同母弟在位九年改元三曰長曆長天寬

秋七月天皇即位于大極殿年二十八左大臣

賴通關白諸政如故

長曆元年丑春立禎子內親王為中宮三條帝

女母枇杷皇后以道長孫女八內三月改號皇

后立女御嫺子為中宮初上在東宮納道長女

嬉子生皇子親仁又納禎子生皇子尊仁關白

賴通無女可納而嫺子其妻妹也故養為子納

之秋八月立皇子親仁親王為皇太子

三年卯春以圓城寺僧正明尊為叡山坐主僧

徒以其非慈覺徒不受群聚訴迫關白賴通第

打破其門令檢非違使驅退之執首惡下獄三

月僧徒放火高陽院捕獲之夏禁內火秋

七月徙御京極院秋中官嫺子崩冬納內大

日秋改元

後朱雀 三十一 賴氏葬

臣教通女為女御。

長久元年庚申夏京師盜賊僧徒帶弓箭殺人行

火懸賞購捕。秋大風八省堂倒京極院火徙

御內大臣教通二條第。謀諸國造宮。

二年辛巳冬十二月官成還御。

三年壬午春圖書寮火。冬十一月禁內火。避大

政官廳。

四年癸未春正月行諸節會于官廳。已徙御一條

院。冬十一月右大臣實資罷右大將以權大

納言藤原通房代之。通房賴通長子也。十二

月一條院火徙御東三條院。

寬德元年甲申夏大疫。四月右大將通房薨

秋八月宋商至但馬遣使存問使奪其財物宋

商訴命悉還與之。筑前人清原守武坐私入宋

流佐渡。冬十二月上視除目見大人於屏風

上自是不豫。

二年乙酉春正月大漸讓位皇太子以尊仁親王

為新帝儲貳以中宮大夫藤原能信為東宮大

臣藤原能信

夫時帝召關白賴通命之賴通以尊仁非藤原氏出不欲立對曰事未晚也賴通退能信近御床奏曰陛下欲以第三宮付何僧上曰朕將置之東宮何謂付之僧也能信曰苟然早決之不可過今日過今日恐有他故帝悟即日立為皇太弟能信賴通弟也天皇崩于東三條院二月葬後朱雀天皇

後冷泉天皇

諱親仁後朱雀長子母贈皇太后藤原氏攝政道長第四女在位二十三年改元四曰永承天喜康平治隆曆壽四十四火葬藏骨關東寺

夏四月天皇即位于大極殿年二十一左大臣

賴通關白庶政如故以權大納言藤原賴宗兼

右大將賴宗道長第二子也

永承元年戊戌春正月右大臣藤原實資薨實資

剛直明達不惑邪說初攝政道長專權舉朝阿

附實資獨侃然正色屢發忠憤天子倚賴焉上

東門院入内道長乞一時名流作和歌屏風中

納言藤原公任為選首華山法皇亦有御製實

資時為大納言獨拒之曰安有官列上達部而

不納也

爲女御資裝者邪。後一際帝有凶夢。或勸講最勝經。實資止之曰。陛下唯正己修政。那不能犯也。僧明尊自稱夢有關寺牛自稱迦葉佛。往膜拜。朝野翕然群詣。實資獨不往。道長家臣亦有憑者。妄語實資適往。輒備伏曰。吾懼見此人。病乃已。

賴襄曰。藤原實資可謂大丈夫矣。當權臣擅政。舉朝攀附之時。雖天子猶伺其喜怒。獨實資以其同族特立不阿。至天子倚賴之。以爲

安可不謂大丈夫耶。如不肯書上東門院之屏風。激一世不振之士氣。吾讀史至此。未嘗不想見其人。以如此之世。猶有如此人也。又讀至其辭爲皇太子傅。則有異焉。敦明權臣所不欲立。而天子立焉。倚實資以扶植之也。爲實資者。何不慨然以身許之。而以衰老不堪爲辭乎。此時實資以大納言爲右大將。蓋歲七十矣。後五年。乃遷右大臣兼皇太子傅。所謂皇太弟。乃權臣所欲立也。誠使衰老不

日本政記 卷之六

五十四 賴氏職板

堪何以辭於前而不辭於後後又二十餘年而沒蓋九十矣其嬰鏢可知也則前之辭者非遁辭邪觀實資之平素非怵禍福畏廉恥唯官爵是戀如當時公卿比也豈度時勢之不可為焉爾邪苟然何併不辭其官高視事外而撫仕至死乎抑以己受國恩特厚不敢以就安姑與權臣共事以匡濟其太甚耶或以吾論實資為苛也夫唯實資也故吾苛論之當時舉朝之士皆婦人也婦人不足責有

天夫焉吾烏得不責以其道哉如源賴朝事後一條崩後辭官隱居卻醫藥以死則疾世濁亂潔身而逝耶審能然是之謂真大丈夫。

日本政記 卷之六

五十五 賴氏職板

日本政記

二月太政官朝所火。秋七月立女御草子

親王為中宮。冬十月官成還御。

二年。秋秋教通為右大臣賴家為內大臣是歲

前權中納言顯基薨顯基大納言俊賢長子仕

後一條帝受恩遇及帝崩不欲復立朝創髮隱

大原患疽喜曰病至死心不亂者唯癰疽御醫

藥而逝

三年。冬禁內火。徙御京極。

四年。夏六月皇后皇太弟所居閑院火。

日本政記

續代職

正本政記

卷之八

三十一

賴房子隱

五年庚春流大和守源賴親于土佐賴房子隱

岐先是賴親訴興福寺僧徒不法僧徒怒攻其

館賴親父子防戰多殺傷僧徒來訴故有此命

六年癸春正月小三條院薨二月立女御藤

原寬子為皇后關白賴通女秋冷泉院成徙

御

七年壬大疫

天喜元年庚秋上患瘧徙御賴通賀陽院第

二年甲春賀陽院火遷官秋徙御中極院

冬京極院火徙御賴通四條第

三年未夏毀冷泉院造一條院

四年甲春一條院成徙御秋七月彗星見東

方八月陸奧酋長安倍賴時反殺陸奧守兼

鎮守府將軍源賴義討之賴時自父祖世為酋

長至賴時略有六郡據衣川擅海利不輸貢賦

時出兵侵掠國守不能制朝議以賴義賴信于

得東人心乃命此任會有人赦賴時大喜厚贈

賴義賴義任滿將還夜斫屬將藤原光貞管

山本政記

賴房子隱

者賴時子貞任嘗求婚光貞光貞鄙之不許故報其怨也賴義欲收貞任賴時乃閉關復及其二壻藤原經清平永衡在官軍或言永衡貳賴義收斬之經清不自安去歸賴時賴時益振賴義以討賊自任不敢歸

五年丁酉春賴義招降倭囚酉安倍富忠要擊誅賴時貞任勢猶張時歲荐饑九月賴義奏請輸兵食久之不至乞援於出羽守源兼長亦不敢出兵經清造私符徵諸郡兵食曰用此符

用赤符赤官符也國民靡從賊軍益張

康平元年戊辰春中院火延及諸殿

二年乙亥春一條院火徙御賴通三條第夏大雨洪水秋大風是歲盜屢行火皇宮

三年庚子秋關白賴通罷左大臣教通為左大臣賴宗為右大臣權大納言藤原師實為內大臣

師實賴通子

四年辛丑冬賴通為太政大臣

五年壬寅夏罷教通左大將以師實兼之秋賴



通辭太政大臣關白如故。陸奧守源賴義以出羽酋清原武則等討陸奧賊大破之斬賊酋安陪貞任傳首京師。叙賴義正四位下為伊豫守。武則從五位下為鎮守府將軍。先是以賴義任滿以藤原良經為陸奧守以賊未平辭不往又以高階經重為守兵民服賴義不受其節度經重乃歸賴義招致武則得兵萬餘進攻賊小松柵拔之貞任來戰武則曰賊不固守困而出戰是我利也速戰破之乘勝衝其賊窟終竟

貞任獲經清斬之賴義曰猶能用白符柵以除黨未平猶留陸奧

七年甲辰春賴義以諸降虜至京師救放之伊豫

冬罷賴宗右大將以權大納言源師房兼之

治曆元年乙春右大臣賴宗罷夏旱先是賴

義請賞陸奧役將士有功者朝議久不決以故

未赴任公私督責踵至賴義以私物進濟又遭

旱不登因上疏請再任六月藤原師實為右

大臣源師房為內大臣師房具平親王長子知

日本政記 卷之八 三十九 貞元歲次

關白賴通妹醜故娶之賴通喜故緊遷至此

三年_{丁未}冬十月行幸賴通宇治別莊以賴通准

三后賜年官爵如忠孝故事初賴通捨莊為寺

曰平等院敕賜封三百戶已而罷其關白特敕

咨詢政事

四年_{戊申}夏四月以左大臣教通關白庶政賴通

意欲讓其子師實啓之上東門院院以道長

夙志在教通遂命之帝崩于賀陽院

五月葬

後冷泉天皇

賴襄曰昔者元魏之衰羽林騎焚張彞弟而

魏主不問高歡觀之謂天下之事可知矣歸

散財結士我長曆天喜之際有類於此者延

曆寺僧徒枕訴迫關白賴通第打破其門已

而放火高陽院夫賴通之名位不翅張彞也

而僧徒非羽林之比天下之事為何如哉後

興福寺徒又攻大和守源賴親之館而朝議

流賴親于土佐不亦甚於不問乎而陸奧之

酋侵蝕六郡不奉貢賦源賴義以國守討征

日本後記 卷之八 百七歲友

勤之。借出羽首之力。纔能平之。朝廷遣代人而兵民服。賴義不奉其號令。賴義以獨力經紀二國十餘年。及奏捷。爲將士請賞格。朝議久不決。其後賴義于義家再平陸奥之亂。而朝議以爲私鬪。又不與賞典。非源氏父子以私恩撫緝之。則東國豪傑。寧能帖然哉。高歡自以其意結納之而已。我朝則驅而歸之。其手。我朝紀綱之廢。甚於元魏。而源氏父子智勇。因過於高歡。異日源氏坐奪朝權者。必於

此矣。朝廷公卿。方以聲色歌詠爲事。而血戈汗馬之勞。委之邊鄙之吏。又不肯償其勞。而欲偃然長託於其上。是天道所不與也。大凡治安之久。上者尤而不下。下者滯而不上。上下之間。痞痛不通。而天下覆矣。下者反制其上。上者反制於下。必然之勢也。當是之時。英雄俊傑之士。多生於下。而上者皆猥瑣頹鈍無耻之人。是之謂氣運之變。故其勢不得不反覆也。意可不惧哉。

Faded text on the left page, likely bleed-through from the reverse side.

日本政記卷之八

日本政記

南政官
内庫

日本政記卷之八

